



Саха сиригэр Ийэ күнүн 1993 сыл балаҕан ыйын 2 күнүгэр Саха Өрөспүүбүлүкэтин бастакы президенэ Михаил Николаев “Ийэ күнүн” бэлиэтээһин туһунан 532№-дээх ыйааҕы таһаарбыта. Бу кэмтэн ыла алтынньы үһүс өрөбүлүгэр Саха сиригэр Ийэлэрин чиэстиибит.

Бу күн саамай күндү уонна чугас дьоммутугар Ийэлэргэ барҕа махтал уонна эбэрдэ тылларын аныыбыт. Биһиги бары күн-күбэй Ийэ истин тапталагар угуттанан, кини кыһамньытын билэн улааппыппыт. Ийэ истин-иһирэх таптала оҕо эрдэхпитигэр биһигини харыстыыр, олох араас уустуктарын туоруурга, эрэллээх уонна ситиһиилээх буоларга көмөлөһөр.

Бэлиэ күнүнэн киэн туттар биир дойдулаахтарбытын, Уус-Амма нэһилиэгэр аҕа уһун хаһаппыт, ийэ уһун тэниппит үтүө-мааны Герой Ийэлэри билиһиннэрэбит. Кинилэр кэлэр көлүөнэбэ холобур буола, ыччаттара инникитин өссө элбии-тэнийэ, үүнэ-сайда турдуннар.



Уус-Амма нэһилиэгин Герой-Ийэлэрэ



Антоева Анна Артемьевна

(1.07.1926-14.01.2004)

Таатта оройуонун Дьохсоѳон нэһилиэгэр төрөөбүтэ. 6 кылаас үөрэхтээх. 1940 сылтан сүөһү көрүүтүгэр, ыанньыксытынан 40ча сыл үлэлээбитэ. Үлэ, тыыл ветерана, Коммунистическай үлэ ударнига. Өр сылларга «Элбэрээк» ферматын старшайынан, ыччат наставнигынан, 4 төгүл олохтоох сэбиэт депутатынан, 3 төгүл народной сэтээтэлинэн, биирдэ оройуон Сэбиэтин депутатынан талыллан үлэлээбитэ.

Кэргэнэ Антоев Василий Дмитриевич үлэ, тыыл ветерана элбэх мэтээллэринэн, Грамотанан наѳараадаламмыта.

Наѳараадалара: «1941-1945 сс. Аѳа дойду Улуу сэриитигэр килбиэннээх үлэтин иһин», 1968с. «Герой Ийэ» аатын ылбыта, «Ийэбэ албан аат», «Бочуот знага» уордьаннар, «Коммунистическай үлэ ударнига», «IX пятилетка ударнига», «Социалистическай үлэ кыайыылааѳа» бэлиэлэр, «Ийэ буолуу», «В.И.Ленин төрөөбүтэ 100 сылынан килбиэннээх үлэтин иһин», «Үлэ бэтэрээнэ», Улуу Кыайыы үбүлүөйдээх сылларын мэтээллэрэ.



Арылахова Капиталина Константиновна

(28.05.1928-7.04.1974)

Таатта оройуонун Тааттыныскай нэһилиэгэр “Социализм” холкуоска Чөччөх алааһыгар төрөөбүтэ. Холкуоска сүөһү үлэтигэр, ыһыыга үлэлээбитэ.

1948 сыллаахха Максимов Захар Васильевичка кэргэн тахсан 10 оѳону төрөтөн улаатыннарбыттара.

1974 с. «Герой Ийэ» бочуоттаах ааты ылбыта.

Наѳараадалара: “Ийэ буолуу” мэтээл 1,2,3 степеннэрэ, «Ийэ албан аата» 1 степеннээх уордьан, «Герой Ийэ» бочуоттаах аат.



Арылахова Прасковья Васильевна

(24.12.1934-13.05.2003)

Игидэй нэһилиэгэр Дьизэрэннээххэ төрөөбүтэ. 14 сааһыттан 1963 с. диэри холкуоска ыанньыксытынан үлэлээбитэ. Чымынаайыга субан сүөһү көрүүтүгэр сылдыбыта. 1980-1989 сс. баанньыкка остуорастаабыта.

Кэргэнэ Р.Р. Арылахов ССКП чилиэнэ, булчутунан, субан сүөһү көрөөччүнэн, ыанньык фермаба бостуугунан үлэлээбитэ.

Герой Ийэ 13 оҕону төрөтөн үөрэхтээх, үлэһит дьон онорбута.

Наҕараадалара: «1941-1945 сс. Аҕа дойду Улуу сэриитигэр килбиэннээх үлэтин иһин», «Үлэ, тыыл бэтэрээнэ», «Сэбиэскэй Союус маршала Жуков» мэтээллэрэ.

«Ийэ албан аат» 1,2,3 степеннэрин уордьаннара. «Герой Ийэ» бочуоттаах аат.



Максимова Анна Иннокентьевна

(31.08.1944-03.06.2003)

Чымынаайыга Винокуровтар колхозтаах дьиэ кэргэнигэр төрдүс оҕонон төрөөбүтэ. 1965с. Победаҕа биир сыллаах баспытаатал курсугар үөрэммитэ. Кылгас кэмнэ Уодайга кулуубка үлэлии сылдыбыта. Онтон 1978с. диэри детсадка үлэлиир. Доруобуйатынан пенсияҕа тахсыар диэри оскуолаҕа, кулуубка остуорастыыр.

1966 сыллаахха Максимов Захар Захаровичтыын ыал буолан 11 оҕону төрөтөн, көрөн-харайан, үөрэхтээх дьон онортоон, Анна Иннокентьевна 1986с Герой-Ийэ үрдүк аатын ылбыта.

Наҕараадалара: «Герой Ийэ» бочуоттаах аат. 1993 сыллаахха Саха сирин Президентэ М.Е. Николаев " Саха сирэ Герой ийэлэргэ" акциятын кыттыылааҕа.



«МОНД БЭЛЭГЭЛЭГЭЭН»
«МОН КИЭН ТУТГУУЖ»



Нестерова Мария Михайловна

(01.09.1935-19.05.2015)

Уус-Амма нэһилиэгэр Соҕуйга төрөөбүтэ. «Ньургунун» холкуоска от үлэтигэр, оҕуруокка, бурдук быһыытыгар, сүөһү көрүүтүгэр үлэлээбитэ.

1956с. Таатта улуунун Игидэй нэһилиэгиттэн төрүттээх Нестеров Г.Г. ыал буолбуттара. Кэргэнэ Гаврил Гаврильевич аатырбыт булчут, үлэ, тыыл ветерана, норуот ырыаһыта этэ.

Иллээх дьиэ кэргэн 10 оҕону төрөтөн, көрөн-харайан, үөрэхтээх дьон онортоон, Мария Михайловна 1982с. Герой-Ийэ үрдүк аатын ылбыта.

Наҕараадалара: «1941-1945сс. Аҕа дойду Улуу сэриитигэр килбиэннээх үлэтин иһин», Улуу Кыайыы үбүлүйдээх сылларын мэтээллэрэ, « Ийэ буолуу» мэтээл 1,2,3 степеннэрэ. «Ийэ албан аата» уордьан, Таатта улуунун, Уус-Амма нэһилиэгин бочуоттаах олохтооҕо.



Протопопова (Сыромятникова)

Елена Никифоровна

(1899-1957)

Протопопова (Сыромятникова) Елена Никифоровна 1899 сыллаах төрүүх.

Протопопов Иван Прокопьевичтын ыал буолан 19 оҕону төрөтөн, 13 оҕону атаҕар туруоран, 5 уолларын Ийэ дойду көмүскэлигэр сэриигэ атаарбыттара, 2 уоллара сэрии толоонугар геройдуу охтубуттара, 3 уол кыайыы кэтөллөөх эргиллэн кэлэн эйэлээх олоҕу тутуспуттара.

Таатта оройуонугар маннайгынан 1944 сыллаахха Герой Ийэ үрдүк аатын сүкпүтэ.